

明詩正聲

自封

柳田文庫

文庫11

D 174

3



文庫 11  
D 174  
3

明詩正聲七言律詩目錄

凡一卷

第一 三十一家共八十一首

張九一 十二首

張佳胤 五首

王世懋 七首

屠應峻 二首

吳維嶽 一首

顧存仁 一首

喬世寧 一首

王叔杲 一首

方沆 一首

沈愷 三首

方新 一首

吳子孝 一首

龔秉德 二首

方逢時 三首

李民質 二首

魏允貞 二首

魏允中 二首

唐鶴徵 一首

明詩正聲

七言律詩目一

卷一

柳田泉文庫

010190557842

48-12146

蔡可賢	徐學謨	梁有譽	吳國倫	李先芳	穆考功	王世貞	孫一元	李夢陽	何景明
四首	二首	七首	六首	五首	十四首	二十首	十三首	二十二首	十四首
蔡汝楠	注道昆	徐中行	宗臣	謝榛	石星		李攀龍		
一首	二首	二首	四首	七首	二首		二十首		

第二 五家共九十二首

第三 二十一家共六十八首

蔡可賢	徐學謨	梁有譽	吳國倫	李先芳	穆考功	王世貞	孫一元	李夢陽	何景明
四首	二首	七首	六首	五首	十四首	二十首	十三首	二十二首	十四首
蔡汝楠	注道昆	徐中行	宗臣	謝榛	石星		李攀龍		
一首	二首	二首	四首	七首	二首		二十首		

明詩正聲

莫如忠 二首 王問 一首

袁泰 一首 皇甫汈 二首

盧枏 一首 南軒 一首

余應舉 一首 朱日藩 一首

莫雲卿 二首

右得六十五家詩二百二十一首

明詩正聲七言律詩目錄終

明詩正聲卷之十

漆園 穆光胤 仲裕 刪訂

澶淵 陳素蘊 仲獻 校刊

七言律詩一

袁凱

白燕

故國飄零事已非。舊時王謝見應稀。月明漢水初無影。雪滿梁園尚未歸。柳絮池塘香入夢。梨花庭院冷侵衣。趙家姊妹多相忌。莫向昭陽殿裏飛。

張叔溫諸公携酒至涿濱明日作此奉謝

明詩正聲



八月風高鴻鴈飛。三江湖落蟹螯肥。已拚白髮如秋水。不厭清尊共夕暉。氛祲遠連豺虎窟。波濤晴見芰荷衣。楊雄舊宅城東住。騎馬歸來月滿扉。

汪廣洋

題鐘山勝景應制

北山佳氣鬱蔥蔥。高處深藏七佛宮。松下鵬眠無客到。洞中龍出有雲從。茶煎紫筍逢支遁。藥煉丹砂羨葛洪。夏欲躡鳧凌絕巘。扶搖大塊鼓雄風。

過故翰林李慨之天心水面亭遺址

供奉歸來足浪遊。大明湖上貯清秋。十千美酒傾山

雨。半日聞身對海鷗。水面風生楊柳岸。天心月過藕花洲。自從爛醉吹簫去。誰解臨風洗夕流。

張以寧

秋登九江廟

黃花開後葉初霜。紫蟹肥時酒滿缸。羈旅已知浮世淡。登臨未覺壯心降。天垂去鳥低平楚。水學驚蛇到大荒。日極孤雲鄉思亂。煙波空想白鷗雙。

吳門懷古

曾見吳王歌舞時。遺臺廢死不勝悲。春風鴈唳菰蒲葉。夜月烏啼楊柳枝。有客買舟尋范蠡。無人穿塚近

要離館娃宮外繁化發。遊女長歌白苧詞。

林鴻

春日游東苑應制

長樂鐘鳴玉殿開。千官步輦出蓬萊。已教旭日催龍  
馭。更借春流泛羽杯。堤柳欲眠鶯喚起。宮花乍落鳥  
銜來。宸遊好把簫韶奏。京國于今有鳳臺。

賦得垂楊送客

客路垂楊最有情。暖風吹綠漸冥冥。雨深煬帝宮前  
見。月白桓伊笛裏聽。葉暗未堪藏乳燕。花飛終恨促  
浮萍。分攜欲折長條贈。愁絕河橋酒幔青。

浦源

送人之荊門

長江風颺布帆輕。西入荊門感客情。二國已亡遺舊  
壘。幾家猶在住荒城。雲邊路繞巴山色。樹裏河流漢  
水聲。若過旗亭多取醉。不須弔古謾題名。

寄袁二

長安年少羽林郎。騎射唯能事武皇。弓影醉開孤月  
滿。小頭新買白金粧。聽雞曉闕疎星白。走馬春郊細  
柳黃。應募玉門關外去。請纓生繫左賢王。

林弼

送豐城盧仲睿之會寧主簿

隴樹青。青河水黃。獨騎官馬入秦疆。七千里外思親舍。五色雲中望帝鄉。沙草枯時收黑黍。地蕉香處煮黃羊。訟庭事簡邊塵息。竹屋看書對日長。

倪瓚

贈別益以道書記

一笑相逢豈有期。因懷西崦話移時。李公祠畔空餘月。陸子泉頭舊有詩。旅思悽悽非中酒。人情落落似殘棋。雲濤眼底三生夢。鷗影秋汀又遠離。

東林隱所次韻

巖扉桃李晝陰陰。耕鑿居人有遠心。一夜池塘春草綠。孤村風雨落花深。不嗔野老羣爭席。時看遊魚出聽琴。白髮多情陸徵士。松間石上續幽吟。

郭奎

秋興

月下清砧響夜闌。征人不寐憶長安。霧迷南國遊魂泣。草沒中原戰骨寒。直望明河臨象闕。誰沾零露捧金盤。斗牛關塞無家別。仗策猶悲行路難。

劉仔肩

荆南江晚眺有感

沙頭寂寂晚維舟。詞客重來感舊遊。江上夕陽諸葛廟。雨中芳草仲宣樓。天連錦水來秋色。雲暗襄陵起暮愁。回首可憐梁父意。一官牢落向南州。

宋訥

壬子秋過元故宮二首

六宮春色一霄殘。夷難何人策治安。去國登瀛唐學士。降城執戟漢材官。瑤宮有扇捐金雀。紫塞無旗捲角端。花柳亦知宮女散。粧紅鬢翠簇金鑾。

二

雲霄宮闕錦山川。不在穹廬毳帳前。螢燭夜遊隋苑死。

圃。羊車春醉晉嬋娟。翠華去國二千里。玉爾傳家四十年。今日消沈何處問。居庸關外草連天。

趙元方辭官歸東厓用前韻賀之

舊隱高崖曲岸中。療飢歸作採芝翁。無人徑造依亭竹。有子書追戲海鴻。門外小船漁笛月。籬東矮屋酒旗風。先生襟韻知何似。秋菊春蘭臭味同。

曾棨

海子橋

鯨海遙通一水長。滄波深處石爲梁。平鋪碧甃連馳道。倒瀉銀河入死塋。晴綠乍添垂柳色。春流時泛落



花香微茫。迥隔蓬萊島。不放飛塵入建章。

蓮花燈次胡庶子韻

絳蠟爭燒夜景新。芙蓉何事獨先春。恍疑金炬初歸院。不借清漣已絕塵。光映若耶溪上女。影隨太華井頭人。若教真可浮波去。太乙乘舟便脫巾。

送僧還天台

赤城霞彩動晨暉。海上千峯合翠微。身逐片雲飛錫去。心隨流水泛杯歸。經翻貝葉龍能聽。松偃珠林鶴自飛。想得蒲團趺坐處。天花散落五銖衣。

送陳郎中重使西域

重宣恩詔向窮邊。蕃落依稀似昔年。酋長拜迎張旆。恍羌姬歌舞散金錢。葡萄夜醉氍毹月。腰裏晨嘶首藉烟。百寶嵌刀珠飾靶。部人知是漢張騫。

王恭

賦得白燕送人之金陵

燕山榆葉望龍稀。雪羽蕭蕭向楚微。夜雨蘆花看不定。夕陽楓樹見初飛。影隨漢騎營邊落。夢繞胡兒笛裏聽。君到石城霜漸冷。暮雲聲斷欲沾衣。

寄玉融鄭二秀才

空齋病起怯秋聲。無那啼鴉向夕鳴。涼雨一天孤燭。

夜。斷鴻千里，故人情。寒花浥露，江離白。獨樹含霜，瘴  
海清。遙羨勝遊多上日。瑞巖僧舍，嘉逢迎。

爲林中洲題馬圖

漢家神驥出宛西。鳳臆蘭筋，破月題冀。北空來知汗  
血長楊，獵罷見霜蹄。青絲引轡，穿花入黃帕。蒙鞞對  
御嘶。莫道時平淹棧豆，飛騰思與六龍齊。

高棟

擬岑補闕參奉和早朝大明宮之作

明光漏盡曉寒催。長樂疎鐘度鳳臺。月隱禁城雙闕  
迴。雲迎仙仗九重開。旌旗半掩天河落，閭闔平分曙

色來。朝罷珮聲花外轉，回看佳氣滿蓬萊。

解縉

贈翰林劉編修歸娶

少年歸娶奏金鑾，喜得天顏一笑看。紅錦裁雲朝奠  
薦，紫簫吹月夜乘鸞。靈椿堂上承中饋，寶鏡臺前結  
合懽。從此梅花消息好，青綾不似玉堂寒。

張和

南山清隱爲宣城湛銓作

遁跡其從鹿豕羣。南山溪處隔巖氛。屋前流水連青  
嶂，塔下寒松護白雲。栗里自芻元亮酒，草堂不辱稭

珪文紛紛車馬塵中客。高節能無愧隱君。

李東陽

西山禱詩

路遠山根斷復連。亂藤溪竹寺門前。貧憐白屋蒸黎  
餉。倦愛清溪枕石眠。載酒欲陪狂客醉。留詩聊結野  
僧緣。溪山六月無炎暑。一榻清風萬樹蟬。

古劍次韻

望斗樓空紫氣高。古來神物待人豪。化龍浪說歸闕  
水。斬馬誰能借漢曹。海內書生輕學武。山中良冶坐  
爲陶。千金不買公孫舞。猶恐書成損鬢毛。

莊梟

節婦

二十夫君棄妾身。諸郎癡小舅姑貧。自傷薄命同衰  
葉。不掃蛾眉嫁別人。化石未成猶有淚。舞鸞雖在不  
驚塵。鎖窗獨對東風樹。歲歲花開任自春。

顧璘

擬宮怨

漢皇宮殿月明時。曾侍宸遊百子池。舞馬登牀春進  
酒。盤龍銜燭夜觀碁。御前卻輦言無忌。眾裏當熊死  
不辭。舊恨飄零同落葉。春風空遶萬年枝。

王九思

無題

寂寞西風翡翠樓。黃昏斜抱玉筵秋。彩鸞影逐秦箏  
斷。紅葉新隨御水流。天外行雲難入夢。手中團扇易  
驚秋。愁來只恐嫦娥笑。明月踈簾不上鉤。

王守仁

龍潭夜坐

何處花香入夜清。石林茅屋隔溪聲。幽人月出每孤  
往。棲鳥山空時一鳴。草露不辭芒屨濕。松風偏與葛  
衣輕。臨流欲寫漪瀾意。江北江南無限情。

夜宿浮峯次謙之韻

日日春山不厭尋。野情原自懶朝簪。幾家茅屋山村  
靜。夾岸桃花溪水深。石路草香隨鹿去。洞門蘿月聽  
猿吟。禪堂坐久發清磬。卻笑山僧亦有心。

喜雨

吹角風頭曉散軍。橫空萬騎下氤氳。前旌已帶洗兵  
雨。飛鳥猶驚卷陣雲。南畝漸忻農事動。東山供共凱  
歌聞。正思鋒鏑堪揮淚。一戰功成未足云。

鄭善夫

太白山人

明詩正聲

卷之十

九

卷之十

太白山人公不返。青天高映白雲袍。慣從赤縣觀蒼海。未向黃塵拂寶刀。狂癡禍衡終自信。醉鄉王績欲何逃。苕川茅屋風波外。長日漁樵生計勞。

孟洋

過開城

亂山欹磴入開城。禾黍油油煙霧生。塞上草深充國帳。水邊花暗亞夫營。青林過雨流鶯濕。綠野含風戰馬鳴。自有奇謀尊俎地。書生容易莫論兵。

徐禎卿

贈別獻吉

爾放金雞別帝鄉。何如李白在尋陽。日暮經過燕趙客。解裝同醉酒壚傍。徘徊桂樹涼颼發。仰視明河秋夜長。此公梁園逢雨雪。知子遙度赤城梁。

薛蕙

孫氏沱西別業

巴陵西來沱水溪。水邊樓閣自陰陰。龍鼉夜出洞庭岸。虎豹晝啼雲夢林。鼓鼙乍逢漁父笑。塞舟時聽越人吟。卜居何日從公去。擬向桃花溪處尋。

邊貢

無題

棄置常疑秋扇同。招尋何敢望東風。梅消死雪春方  
露。鯉出水河信始通。終夜彩雲飛夢裏。幾時明月墮  
懷中。西州道路誰能識。爲訪當年賣卜翁。

至居庸

塞口重關。愜素聞。空烟嵐。雨鎮縑網。雄吞巨海。山形  
斷。秀麗中原地。脉分鎖鑰。還須寇丞相。長城不用李  
將軍。倚牕時送東南日。雙關蓬萊五色雲。

蔣山

病起尋芳郭外遊。漢人祠廟蔣山頭。千盤鳥道綠雲  
轉。五色龍江抱日流。隔浦迴看帆漾漾。步林時聽鹿

啾啾。松間積雨莎如鏃。不有桃花宛是秋。

謁文丞相祠

丞相英靈久未消。絳幘燈火徹寒飈。乾坤浩蕩身難  
寄。道路艱關夢且遙。花外子規燕市月。水邊精衛浙  
江潮。祠堂亦有西湖柳。不遣南枝向北朝。

桑悅

碧溪

五兩簑衣百尺竿。碧溪十里足盤桓。卧分芳草爲衾  
枕。坐愛清流照肺肝。花落無聲雲影動。鳥飛不度鏡  
光寒。平堤多種芙蓉樹。惟有秋容耐晚看。

沈周

贈少年

大有時名動兩都。風流渾不帶豪麈。平酬夜枕金條脫。寬約春袍玉轆轤。走馬慣尋楊柳折。下樓酣倚海棠扶。近來薛儂憑誰責。可信馮生毀券無。

楊慎

懷歸

星橋南望沈犀渚。雪嶺西連抱珥河。關塞渺茫魂夢隔。山川迢遞別離多。汀洲春雨零芳杜。茅屋秋風帶女蘿。心事未從詹尹卜。生涯聊聽爨童歌。

效古塞下曲

長榆塞上接龜沙。碎葉城邊建虎牙。夜夜小為青塚鏡。年年雪作黑山花。蘇武白頭持漢節。文姬紅淚聽胡笳。可憐直宿迷征馬。誰見蒲桃入內家。

張含

寄升菴

東觀聲名北斗齊。鳳凰踪跡成雕題。八千里外潮陽馬。十九年來海上瓶。銅柱蒹葭鴻鴈響。鐵城烟雨鷓鴣啼。連宵數有懷人夢。記得分明錦水西。

王維禎

原州鎮西樓松石公讌集用韻

危樓直倚白雲間。霧縠陰陰合萬山。地險胡塵空絕  
漠。天遙漢壘接重關。杯前劔罷笙歌起。塞上年來虎  
豹閒。壯觀平生今經幾。坐升海月不知還。

唐順之

朱仙鎮觀丘將軍廟

丹青畫壁閃旌旗。想像勤王轉戰時。黃屋未歸南狩  
駕。金牌已罷北征師。平撫漠漠前朝隔。曠野陰陰暮  
鳥悲。惟有西湖原上月。春來猶發向南枝。

許穀

秋懷

老向都門學種瓜。炎涼長是惜年華。西堂蟋蟀還依  
草。南浦芙蓉已著花。蓬鬢故應裁白幘。塵容何處覓  
丹砂。秦淮東望秋濤淨。醉後思乘上漢查。

黃省曾

虎丘詠

芙蓉近倚闔閭城。眺閣觴樓逐勢成。珠寺翻為歌舞  
地。青山盡是綺羅情。巖花吐學紅粧麗。谷鳥啼兼鳳  
管聲。十里垂楊芳草岸。四時常映彩舟行。

文徵明

明詩正集卷之十一 十一 蘇文 蘇藏



雨中放朝

霏微芳潤浥霓旌。歷落丹墀散履聲。暝色浮烟迷左掖。碧雲將雨近西清。柳垂青鎖千絲重。水落銀橋萬玉鳴。沾灑不辭袍袖濕。天街塵淨馬蹄輕。

王寵

山居

山鳥羣飛多好音。蒼苔白石淨中林。前峯麋鹿窺人過。半壁藤蘿礙日陰。萬里冥冥黃鵠羽。百年落落紫芝心。未論戰勝違朝市。遮莫狂歌任陸沈。

華察

寄同年陸給事

著書經歲掩蓬扉。江左才名重陸機。宅近寒塘黃葉滿。窗開遠岫白雲飛。山中春草輕朱綬。夢裏晨鐘隔瑣闥。自昔蠻荒投竄後。至今朝省諫書稀。

明詩正聲卷之十終

明詩正聲

卷之十

十四

奎文館藏

詩正聲卷之十一

明詩正聲卷之十一

四

漆園 穆光胤仲裕

刪訂

澶淵

陳素蘊仲獻

校刊

七言律詩一

李夢陽

秋懷四首

慶陽亦是先王地。城對南山不窟墳。白豹塞頭惟皎月。野狐川北盡黃雲。天清障塞收禾黍。日落溪山散馬羣。回首可憐驚鼓急。幾時重起郭將軍。

明詩正聲

卷之十一

奎文館藏

苑西遼后洗粧樓。檻外芳湖靜不流。亂世君臣那在  
眼。異時松柏自淒愁。雕闌玉柱留天女。錦石秋花隱  
御舟。萬古中華還此地。我皇親爲掃神州。

三

大同宣府羽書同。莫道居庸設險功。安得管時白馬  
將。橫行早破黑山戎。書生誤國空談裏。祿食驚心旅  
病中。女直外連憂不細。急將兵馬備遼東。

四

崑崙北極轉天河。獨馬年時向此過。渥洼西望迷龍

種。突厥南侵牧橐駝。黃花古驛風沙起。白雪陰山金  
鼓多。況是固原新戰鬪。居人指點說干戈。

雪後朝天宮

馬上城中見雪山。白雲蒼霧滿燕關。蓬萊咫尺無人  
到。松柏黃昏有鶴還。當日翠華游物外。百年金殿鎖  
人間。浮塵擾擾江湖遠。悵望巖樓不可攀。

無題戲李義山體

曾倚清醕奏綵毫。象牀冰簟玉樓高。徐娘老去風情  
在。班女愁來賦興豪。秦柳日斜傷渭曲。楚蘭春暮怨  
湘皋。仙根寂寞崑崙遠。浪說人間有碧桃。

良嶽

宋家行殿此山頭。千載來人只一丘。到眼黃蒿元玉  
砌。傷心錦纜有漁舟。金縉社稷和我日。花石君臣棄  
國秋。漫倚南雲望南土。古今龍戰是中州。

潼關

咸東天險設重關。閃日旌旗虎豹閒。隘地黃河吞渭  
水。炎天白雪壓秦山。舊京想像千官入。餘恨逡巡六  
國還。滿眼非無棄繯者。寄言軍吏莫隕顏。

遊上方寺晚登鐘樓

東北叢林冠此都。地分清寂聚僧徒。青天寶塔還今  
古。赤日珠光乍有無。草徑驚乾時獨立。松林鶴竝晚  
相呼。登樓更見河流急。嘆世因悲馬負圖。

楚望望襄中形勢

楚望峰頭望楚雲。遙憐紫蓋紫陽君。廬荒不斷盤龍  
氣。碑滅猶存墮淚文。地轉江淮浮遠戍。水同巴峽壅  
雄軍。里名冠蓋非吾事。願訪鹿門麋鹿群。

宿少林次韻

萬山微暝一鐘鳴。古寺深秋倦客情。僧本折蘆番面  
壁。人非騎鶴故吹笙。寒催亂木風交響。白動虛巖月  
自生。慚愧勞勞不成寐。丁丁卧聽早樵聲。

出塞

黃河水遶漢宮牆。河上秋風鴈幾行。客子過壕追野馬。將軍帶箭射天狼。黃塵古渡迷飛輓。白月橫空冷戰場。聞說朔方多勇路。只今誰是郭汾陽。

限韻贈黃子

禁煙春日紫煙重。子。咎為雲我作龍。有酒每邀東省月。退朝曾對掖門松。十年放逐同梁苑。中夜悲歌泣孝宗。老體幸強黃犢健。柳吟花醉莫辭從。

送張訓導棄官為母

蜀道干戈暮角悲。水行溪壑轉春姿。辭劉徐度心先

苦。迴馭王陽願不違。正月巴山猶碧樹。孤舟峽口已黃鸝。并吞割據千年事。愁見岷峨有戰旗。

贈鄭庚

文物江東數歛都。里傳貞白似君無。門前不種鉤衣草。堂上常巢返哺鳥。為客老年今道路。告歸春日復江湖。沙溪酒熟兒孫勸。拄杖徐行步綠蒲。

見素林公以詠懷四章見寄觸事叙歌輒成篇什

青天萬仞削芙蓉。憶踏匡廬第一峰。哀壑暮雲埋虎豹。大江春浪變魚龍。天地御筆親留碣。石室山僧獨

扣鐘。綵筆昔曾霄漢上。舊題應被紫苔封。

二

買園近關三三徑。啟戶遙當六六峯。敢向大河誇樂土。且將名嶽寄行蹤。風林躍馬狐狸走。草澤回舟鴈鴛衝。昨復穎陽開別業。傷軒新徙具茨松。

閣曹一子發京姪木與之同舟而下有詩記之予亦和此篇

其水同舟伴謫居。海天春色盡涵虛。蠻方故啟流官路。漢史終收痛哭書。蜀嶽山高常帶雪。滇門地苦亦生魚。上林花樹羊羊在。前席行看入禁廬。

新秋宜威後堂會張鮑二師晚過東園作

戟府臨秋氣自威。林亭過雨日能輝。但邀文士揮彤管。不願將軍試鐵衣。雲濕白花籬檻重。風搖朱果石榴稀。彎弓欲看雙禽墮。海闊天晴鴈不飛。

夏都諫勘鄴路之戰惠見憶之作寄答一晉

岩巖上黨接壺關。杖鉞冬行歷萬山。巖凍雪埋擒虎窟。窟腥雲矯斫龍灣。嶮巖路透漁樵入。蒼蔚林清鳥雀還。爲問登高能賦者。霜毫幾掃白雲間。

臺寺夏日

古臺高竝巖巖。斷塔稜層鎖寂寥。積雪洞門常慘

慘炎天松柏轉蕭蕭。雲雷回壁丹青壯。神鬼虛堂世  
代遙。惆悵宋宮偏泯滅。一靈哀怨不堪招。

朱仙鎮

水廟飛沙白日陰。古墩殘樹濁河深。金牌痛哭班師  
地。鐵馬驅馳報主心。入夜松杉雙鷺宿。有時風雨一  
龍吟。經行墨客還詞賦。南北凄凉自古今。

何景明

七夕

夜久高城風露收。微雲斜漢兩悠悠。閨中擣素思關  
塞。樓上穿針待女牛。屏燭影淡秋似水。池花香淡月

如鉤。桂宮高處寒多少。誰念嫦娥此夜愁。

月潭寺

綠蘿陰下倒蒲團。茗葉松花進晚食。近水雲霞晴亦  
雨。傍巖樓閣晝常寒。旅懷寥落逢秋半。僧話淹留坐  
夜闌。惆悵塵蹤又南去。朝來鐘磬隔煙巒。

秋興

秋來門巷少經過。日日幽懷對薜蘿。一笑不光拋客  
路。十年歸夢落漁簑。沙邊返照寒初斂。水上浮雲晚  
故多。苦憶梁園詞賦客。黃河愁望渺煙波。

無題

明詩山齋卷之十一  
艷舞嬌歌出絳紗。黃金不惜放琵琶。鴛鴦本是雙樓  
鳥。菡萏元開並蒂花。紫玉豈忘韓重侶。綠珠寧負季  
倫家。多情自古還多恨。腸斷春風巷柳斜。

小齋初開崔郭田二君子至

本買齋堂爲客居。敢扳冠蓋枉吾廬。清風座引高人  
榻。深夜門倚長者車。竹下涼蟾輝几杖。花間螢火靜  
琴書。黃門翰苑俱鄰近。濁酒盤餐意不疎。

七夕

楚客旅魂驚巧夕。燕京風俗鬪穿針。樓臺送暑催秋  
扇。關塞迎寒起暮砧。海內弟兄風雨夢。天涯兒女歲

時心。乘槎莫問支機石。河漢年年此夜陰。

奉寄泉山先生

北戰南征兵未休。我師高卧只林丘。蒼生尚繫裴公  
望。白髮寧忘范老憂。江上戈人徒慕鴈。海邊漁父不  
驚鷗。冥冥蘿月三山外。獨倚京華萬里樓。

送韓大之任新都

漢庭仙吏幾時回。蜀道風煙此日開。萬里一琴將鶴  
去。九霄雙鳥望鳧來。雲邊石棧斜懸閣。樹裏清流曲  
抱臺。藏器久知盤錯志。脫囊今見古人才。

送賈學士之南都



金陵樓閣九天開。銀漢仙槎萬里來。宮月夜懸鸚鵡觀。江流春轉鳳凰臺。直從北極看南極。卻望中山接上台。嗚世耳傳吳下作。逢時真羨洛陽才。

和李宗易內翰立春日作

春日長安車馬迎。密煙輕旭弄朝晴。詩來草動池塘色。吟罷花增館閣清。萬里江湖桃竹杖。十年風雨鐵燈檠。一官樗散空時序。又見春盤細菜生。

送都南濠歸吳

愁論白首為郎日。喜見青山送老年。去望雲霄皆動色。到知鄉里更稱賢。丹梯五岳盧敖杖。春水三江范

蠡船他日著書應不少。可無人識子雲玄。

送杭憲副兵備天津

天津橋北望京樓。金鼓東行節使舟。日月書懸滄海樹。龍蛇春歷九河流。百年貢篚通南極。萬里旌旄屬上游。莫笑談兵尊俎上。書生元不為封侯。

送南進士推武昌府

少年佐郡楚城居。十郡風流盡不如。此去且隨彭蠡鴈。何須不食武昌魚。仙人樓閣春雲裏。賈客帆檣晚照餘。大別山前江漢水。畫簾終日對清虛。

登樓觀閣時王令叔明邀王敬夫段德光康

德涵張用昭四子同遊

蛟閣含風落照孤。憑高千里視平蕪。鳳笙錦曲春絲  
縹。瑤草金光晝有無。採藥幾時尋碧海。種桃無復問  
玄都。五陵冠劍豪遊地。猶是長安舊酒徒。

孫一元

南征

南征五月動旌旄。瘴霧蠻煙望日勞。此日壺漿迎虎  
旅。幾年江海泣弓刀。戍樓鵬落風雲壯。野日猩啼戰  
壘高。夏喜皇天能悔禍。不妨遊子卧江臯。

秋夜眺鎮海樓

樓上輕雲散女隄。樓前狂客獨支頤。江當夕照半添  
色。詩與秋心兩鬪奇。木葉無言時序暮。塵寰多事杖  
藜知。只應又被漁郎笑。細雨斜風歸去遲。

新卜南屏山居

石上藤蘿對夕曛。解衣長日坐來頻。挽回滄海真無  
計。領略青山合有人。養鶴似嫌雙口累。為漁又過一  
生身。相逢惟是南屏老。獨樹柴門許結隣。

山居著野服

道人占斷南屏景。十里青山帶郭斜。對水柴門通鶴  
渚。隔隣煙火是漁家。巖頭老檜占風雨。石上昌陽閱

歲華糝點太平還。著我棕鞵桐帽送生涯。

登吳山絕頂望錢塘江湖

獨倚危岑岸接羅。晚潮初上練光齊。亂搗鼙鼓妖蛟舞。倒捲銀山海月低。弓弩千年人去後。帆檣萬里望中迷。憑誰喚起眉山老。爲誦錢王廟裡題。

殷近夫養一鶴每予至輒相對舞愛而作詩贈之

爲愛使君雙舞鶴。杖藜相過水雲鄉。入門瘦影當窻見。隔樹間行共我長。碧海青天憐昨夢。朱琴瑤月鬪圓吭。他年結屋羅浮上。萬樹梅花待汝翔。

癸酉中秋同吳興浚時東海昌董子言陳用

明西湖玩月爛醉歌此

十里蒹葭雨盡收。西湖一望月光浮。野袍白幘同幽事。菰米蓮房好作秋。波靜龜龍聽醉語。夜涼河漢帶漁舟。高情盡在形骸外。不用逢人說勝遊。

種竹

種竹荒圃手記曾。滿林蒼翠盡騰凌。遙連野水青無間。斜歷秋雲冷不勝。慣覓漁竿防稚子。祇分拄杖與山僧。黃陵歌罷無人和。明月闌干只自凭。

烏啼

烏啼野樹歲將暮。滿眼蒼施行路艱。老我祇應依白  
墮。幾人猶未識青山。百年知己長鏡在。萬事無心柱  
杖閒。獨倚高原望明月。隔雲黃鶴幾時還。

至日攜榼登道場山

瞥眼風塵歲履遷。椒盤柏酒自留連。半生作計間為  
下。到處論交山最賢。好句忽成黃葉寺。小舟漫倚白  
鷗天。松聲泉語無人會。獨坐巖頭意已傳。

春晚歸山中草堂

生涯未了烏藤杖。裹足茅茨年復年。報答清朝渾是  
句。破除塵事總安眠。生來白石仙人分。老結碧山學

士。絲。贖。有一。裘。行。帶。索。等。閒。嬾。坐。野。狐。禪。

乙亥元日

元日狂歌倒竹樽。東風昨夜到柴門。生逢盛世憂何  
事。家在青山道自尊。殘雪疎林開舊色。白沙細浪長  
新痕。春來漫有滄州興。文鷺銀鷺滿釣輪。

九日登高

南屏九日登臨地。望裏風煙秋事幽。青黛娟娟憐物  
候。孤帆裊裊隔江洲。秦雲隴樹歸心遠。易水燕山落  
日愁。詩罷長吟還自佇。汀鳧沙雁晚相遊。

李攀龍

大閱兵海上四首

使者乘輅大閱兵。千艘並集甬句城。騰裝殺氣三江合。吹角長風萬里生。帳擁樓臺天上坐。陣回魚鳥鏡中行。不知誰校昆池戰。橫海空傳漢將名。

二

戈。舩。諸。校。錦。征。袍。水。戰。當。場。命。客。豪。萬。櫓。軍。聲。開。島。嶼。千。檣。陣。影。壓。波。濤。赤。城。浚。泛。旌。旗。動。射。的。遙。衝。竹。箭。高。東。海。便。應。銅。柱。起。何。妨。馬。援。是。吾。曹。

三

列。艦。如。城。積。水。前。援。袍。擁。棹。出。行。邊。柱。石。樺。氣。迸。流。鳥。

火。組。綵。光。搖。太。白。天。鵝。鶴。一。呼。風。雨。集。龍。鼉。雙。駕。牛。懸。卽。今。萬。國。梯。航。日。竝。識。君。恩。浩。蕩。年。

四

新。開。帷。幄。控。朝。宗。萬。里。波。臣。老。折。衝。海。氣。抱。吳。遙。似。馬。陣。雲。含。越。總。如。籠。中。流。鼓。應。潮。聲。疊。下。瀨。支。迴。自。影。重。自。有。長。纓。堪。報。主。誰。言。白。雉。竟。難。逢。

抄秋登太華山頂二首

太。華。高。臨。萬。里。看。中。原。秋。色。更。漫。漫。振。衣。瀑。布。青。雲。濕。倚。劍。明。星。白。日。寒。東。走。峰。陰。搖。砥。柱。西。來。紫。氣。屬。長。安。自。憐。彩。筆。驚。人。在。只。尺。天。門。謁。帝。難。

徙倚三峯峯上頭。蕭條萬里見高秋。蓮花直撲青天  
色。玉女常含白雪愁。樹杪雲羅沙漠氣。巖前日暈漢  
江流。停杯一咲千年事。不擬人間說壯遊。

登黃榆馬陵諸山二首是太行絕頂

太行山色倚巔岵。絕頂清秋萬里看。地坼黃河趨碣  
石。天迴紫塞抱長安。悲風大壑飛流折。白日千崖落  
木寒。向夕振衣來宿雨。關門蕭瑟罷馮欄。

平朔望二

西嶺高秋大陸前。馬陵寒影踏遙天。羣峰不斷浮雲  
色。絕嶂長留落日懸。地險關門衝急峽。山奇削壁  
飛泉。何人更遇青泥飯。有客空歌白石篇。

秦柱向天仙宮白松

孤根一託藥珠宮。不與茗華粉黛同。夜暗龍鱗銜白  
照。天清鶴影望來空。條封姑射千秋雪。蓋擁蘭臺萬  
里風。非為子雲能作賦。誰知玉樹本青葱。

過吳子玉函山草堂

玉函山色草堂偏。恰有幽人擁膝眠。樹杪徑迴千洞  
合。窗中天盡四峰連。綠陰欲滿桑蠶月。白首重論竹  
馬年。就此一尊無不可。因君已辨阮家錢。

崔駙馬山池燕集得無字

主家池館帝城隅。上客相如漢大夫。十里芙蓉迎劍  
鳥。一樽風雨對江湖。橋邊取石鯨飛動。臺上吹簫鳳  
有無。向夕不堪車馬散。朱門空鎖月明孤。

同元美子與子相公實分賦懷太山得鐘字

域內名山有岱宗。側身東望一相從。河流曉挂天門  
樹。海色秋高日觀峰。金篋何人探漢策。白雲千載護  
秦封。向來信宿藤蘿外。杖底西風萬壑鐘。

殷太史正甫至自太山為贈

剛堂天子昔登壇。御道風流擁漢官。海色迴臨二觀

動。春陰不散五松寒。白雲忽向封中出。玉牒誰從  
裏看。此日滿朝求禪草。相如早晚入長安。

徐子與席懷梁公實

其指金莖雪色間。鳴珂當日滿朝班。即看徐孺能懸  
榻。豈謂梁鴻更出關。薄宦天涯成日首。故人江上買  
青山。嶺南梅樹今堪折。贈我寧無驛使還。

懷子相

薊門秋杪送仙槎。此日開尊感歲華。卧病山中生桂  
樹。懷人江上落梅花。春來鴻鴈書千里。夜色樓臺雪  
萬家。南越東吳還獨往。應憐薄宦滯天涯。

上宋大司空

河堤使者大司空。兼領中丞節制同。轉餉千生軍國壯。朝宗萬里帝圖雄。春流無恙桃花水。秋色依然瓠子宮。太史但裁溝洫志。丈人何減漢臣風。

送明卿謫江西

海上風塵未罷兵。如何嚴助厭承明。故人慘澹浮雲色。逐客蕭條白雪情。落日掛帆彭蠡澤。清秋伏枕豫章城。詩篇已側當時目。不必兼傳抗疏名。

送李司封謫廣陵

明光起草羨青春。服藥求仙咲此身。白首雲霄空薦士。黃金湖海未逢人。廣陵鴻鴈來秋色。寒雨江楓度逐臣。見說故園湘水上。懶將詞賦吊靈均。

送王郎守安慶

花滿胡姬春酒樓。使君五馬五驛驄。明光起草推高第。二十專城領上游。天柱西懸江漢影。海門東控帝王州。到來紆畫思。同舍萬里風煙白。雁秋。

送太司冠顧公之金陵

聞道銅標護百蠻。當朝共擬伏波還。來時滇海中丞節。入領西曹法從班。曳履青雲高北斗。迴車秋色照鐘山。顧期門客。江城滿草。奏時時達漢關。



送黃侍御按滇南

去矣乘風瘴癘開。西南萬里壯遊哉。登臺越嶺山形  
合。攬轡昆明秋色來。周禮職方天外盡。漢臣封事日  
邊迴。征蠻幕府今凋落。安得樓船下瀨才。

送殷正甫使河洛

中州一望氣雄哉。北極風塵使節開。上洛自存宗社  
計。遊梁更見長卿才。春晴嵩少雲邊出。雪盡黃河天  
上來。在管孝王誇授簡。何當置酒向平臺。

贈李明府暫詣廣川奉送景王之國

帝寵親王出牧年。逢迎東道借才賢。郎官舊列星  
辰

上朱邸新開日月邊。千乘旌旗分羽衛。九河春色  
樓船。知君不廢鳴琴興。應教還操桂樹篇。

王世貞

盤山

千盤歷盡夏茫然。回音中原暝色前。峽轉琳宮藏漢  
月。峰排紫劍插胡天。雲根檜峽龍鱗起。磴道泉歸玉  
乳懸。浚夜不須驚鼓吹。看予箕坐嘯風煙。

龍泉關

層巒不盡鎖嵐嵐。劍氣時干北斗文。浩蕩天爲三晉  
黨。清涼水自五臺分。關如趙壁常完月。嶺似并刀欲

勇。重。總。為。山。河。能。表。裏。薊。門。何。限。羽。林。軍。

提兵安東海上大閱二首

親。提。千。騎。向。東。方。劍。客。黃。金。盡。解。裝。桃。葉。初。明。珠。勒。  
馬。梨。花。半。吐。綠。沈。槍。拍。天。濤。擁。軍。聲。合。駕。海。雲。扶。陣。  
色。揚。北。關。尚。虛。南。越。音。何。人。先。領。徹。侯。章。

二

空。聞。淮。海。鬪。長。鯨。十。二。關。河。迥。不。驚。鳴。柝。夜。傳。千。竈。  
火。建。牙。朝。列。五。家。兵。城。邊。星。斗。崢。嶸。出。馬。首。風。雲。指。  
顧。生。敢。謂。笑。談。尊。俎。易。異。時。曾。詣。建。章。纓。

秋日諸君餞焦山作

浮。玉。峰。頭。高。振。衣。放。歌。天。籟。入。虛。微。波。迴。片。片。青。巖。  
出。日。落。山。山。彩。鳳。飛。一。往。薜。蘿。人。自。古。重。來。冠。蓋。事。  
還。非。關。黎。莫。恡。談。經。席。已。向。君。王。乞。釣。磯。

行部高陽遇河決不浸三板遂成一首

急。雨。驕。風。萬。穴。穿。古。隄。殘。壘。散。秋。煙。雪。山。橫。捲。城。圍。  
入。銀。海。高。從。樹。杪。懸。將。為。漢。年。趨。瓠。子。豈。應。吾。世。失。  
桑。田。天。門。欲。叩。驚。真。宰。未。許。乘。槎。向。斗。邊。

迎春日對酒客有談一歲兩春及中秋再閨者漫成

故。苑。今。年。勝。事。頻。賞。心。端。不。負。歸。人。秋。當。好。處。仍。留。

閨臘未窮時。再見春。但使黃楊初厄過。不妨青草兩  
回新。高門白玉行。來美卻。憶駐盤倚柱輪。

過新河呈大司空朱公

日出煙空匹練飛。大荒中。劃萬流依。連山盡歷支祁  
鎖。逼漢疑穿織女機。九道徵輪寬氣象。八軍容物迥  
光輝。甘棠欲讓金堤柳。曾護司空卻蓋歸。

寄歌中丞于承

黃龍東去海雲低。玄兔城頭烏夜啼。帳下青羌新屬  
國。軍中白馬舊安西。牙旗月擁諸陵出。甲帳天迴萬  
堞齊。最是酩酊爭捧處。不妨飛捷醉中題。

寄穆敬甫考功時拱辰太僕初歸里

漳河霜雪捲絲綸。誰念先朝啟事臣。廢後笑他顏遠  
句。悟來完得義熙身。從教閉戶難逃俠。但是收書不  
畏貧。此際遲鴻臺畔色。恍如雙劍合延津。

敬甫以近詩刻石併刻拙詩寄謝

隱豹爛斑不掩姿。環臺琬琰有新辭。其傳鄰下韓陵  
石。全歷江東幼婦碑。倚玉久應慚我穢。漱珠時復露  
君奇。怪來天際漳河色。忽有雙虹映日垂。

寄余德甫聞有盜警

白爾巾車返豫章。蕭然五柳似柴桑。江秋月隱芙蓉

佩山晚。雲歸薛荔房。身在青氈偷不惜。酒酣黃犢坐何妨。飛揚總為千年事。鄴下狂名已鴈行。

送胡子文太史使荊州遼府

江漢諸姬近帝鄉。方城紫氣鬱相望。寧因剪葉勞周史。不為包茅問楚疆。作賦雄風連七澤。行舟積雪滿三湘。上林管筆應相待。留滯何須念子長。

送蔡子木守衡州

少年為郡肅清修。京洛相攜賦壯遊。一去蔡邕誰倒屣。可堪王粲獨登樓。插天衡嶽層層碧。遠郭湘江細細流。莫向秋風悲日遠。長沙今得比中州。

送陳子兼憲副起任滇南

十載悠然卧草廬。忽從天上見徵書。歸如圓月難離晦。出似浮雲偶自舒。驄馬霜清炎海路。碧雞星引使臣車。莫言回晉長安遠。聞道山公已奏除。

送滇人周廣文校士關內

絳帳如雲海國開。公車還復領羣材。秦庭忽動連城至。漢馬多從西極來。題罷金天霞作掌。飲殘清渭月為杯。奚囊定有懷滇句。知向昆明沼上迴。

贈陸生。生嘗從軍得官而善按摩多戲作

翩翩裘馬俠兒風。青眼人間計未窮。早歲散金收劍

客中。年。食。玉。禮。壺。公。顏。從。熊。鳥。方。中。駐。尊。向。魚。龍。戲。  
裏。空。日。月。任。他。雙。轉。轂。江。湖。隨。意。一。飄。蓬。

李子任俠好施予有古宋家劇孟風而文采  
勝之忽遇余下榻留連竟日其空谷之慰可  
知也因賦近體一章贈之

十年裘馬自從容。肝膽中原惜未逢。倦後蓬蒿尋什  
蔚。見。來。湖。海。失。元。龍。青。山。半。入。囊。中。草。明。月。長。寒。匣。  
裏。鋒。震。澤。煙。波。三。萬。頃。酒。船。詩。卷。莫。辭。從。

贈尹生

人朝初著鷓鴣冠。白馬雕弧夾道看。人見中原碩

孟兼聞少府識任安。枝頭楊葉飛。屋過。匣裏蓮花映。  
日。寒。閉。逐。孤。兒。春。草。獵。獨。身。西。去。斬。樓。蘭。

九月閉關誰筆硯而千里故人訊問不絕又  
多以詩及者遂成此詩志吾且代答

不盡秋風至羽翰。報書猶可報詩難。半生失計甘鷄  
口。此日冥心任鼠肝。棟葉懶題空自積。梅花從折負  
他寒。於今卻笑陶都木。才鬼誰能具眼看。

明詩正聲卷之十一 終

明詩正聲卷之十二  
漆園 穆光胤仲裕 刪訂  
澶淵 陳素縑仲獻 校刊  
七言律詩  
穆考功 諱文熙  
臥龍岡遇雨  
梁父當寧賦已成。卻將白羽赴霓旌。立談霸業三分定。一笑樓船萬炬明。烟樹尚籠白水地。春花還發錦官城。不堪世遠岡陵變。風雨凄其無限情。

明詩正聲卷之十二  
漆園 穆光胤仲裕 刪訂  
澶淵 陳素縑仲獻 校刊  
七言律詩  
穆考功 諱文熙  
臥龍岡遇雨  
梁父當寧賦已成。卻將白羽赴霓旌。立談霸業三分定。一笑樓船萬炬明。烟樹尚籠白水地。春花還發錦官城。不堪世遠岡陵變。風雨凄其無限情。

黃鶴樓

就玩湖光坐日曛。大藩風物總紛紛。江流不轉千年  
恨。石勢常含八陣雲。山到郾襄秦界合。星迴冀軫楚  
天分。興亡我欲探前代。折簡湘靈未可聞。

遲鴻臺觀蹴鞠

蹋鞠臺前晚未休。儒生競作五陵遊。高林起鵲寧因  
薄。白日逢人不易投。指顧月臨金狄掌。低回星散玉  
峯頭。因將戲劇看浮世。變態無端一轉眸。

七月八日

天上歡娛感昨宵。一特別去總無聊。機絲和淚難成  
錦。鳥鵲紛飛不作橋。斗外河流還耿耿。雨邊秋色已

蕭蕭。雙星定羨盧家婦。垂老瑤琴只共調。

得張助甫中丞書卻答二首

故人開府向秦天。西夏孤城萬里懸。白草原頭看雁  
陣。黃河水上下魚牋。清秋隴外雙渠轉。暖日桃林萬  
騎眠。最是綈袍今藉汝。詞人不負繞朝鞭。

二處

大漠雙旌未可攀。書來劇爲破愁顏。西羌已值全歸  
日。右臂真當一斷間。雕影亂盤黃草塞。虎頭長嘯玉  
門關。賀蘭山上無窮石。好勸勳名意氣還。

聞敬美柄文關內

蘭省當年識大家。雄飛今始動黃麻。一官攬轡還驄馬。三轉傳經有絳紗。斗下青萍時自起。秦庭白璧久爭誇。昆明池畔支機石。指點全歸上漢槎。

喜大司馬張公還朝

南北爭傳大師名。還朝復此見睚眦。盧龍寒雪隨旌影。薊闕風雲護履聲。八座位高銅虎署。九方職總玉麟兵。尺書枉薦幽燕士。忱慊何人更請纓。

贈竹溪中丞

侍從聲名著日邊。雄藩開府復誰先。一丸坐控重關險。七校兼司上將權。金甲明農新相國。星槎懷遠舊

張騫。已看郎業滿全陝。昭代仍逢姬召賢。

寄蔡聞吾憲副

互市當年事總危。使君談笑出邊陲。相如引壁償城日。毛遂揮盤定從時。虎賁廿年藏楛矢。龍沙千里息旌旒。盧敖拊髀思良將。借箸于今定是誰。

寄玉中丞

聲名早已著華夷。不負登壇衆所推。滑水騎雲明畫戟。終南春色護牙旗。客來幕府論文日。化擁熊軒問俗時。最是疆場宜鎮靜。聖朝保障在西陲。

大司空潘公乞骸待命賦贈



北望承明紫氣高。元臣待命俯江臯。黃花已老秋前  
色。梅雨重添雪後濤。遼海戰餘饑虎豹。涼州笳冷咽  
葡萄。邊城萬里紛多事。正是天王重轉漕。

嘲南樂陳生二失內子

十載元龍嘆各天。書來心事轉凄然。笑容并帶三經  
雨。鳳唳成膠兩續絃。續子幾堪吟麥雉。裴航翻苦遇  
仙緣。定知鬚髮時時黑。酷似周郎弱冠年。

許東携家避水中流有作賦此奉答

巨靈天外瀉銀潢。一夜中州失大荒。潮勢捲城來灩  
澦。雷聲響地下瞿塘。逃身不避龍巖窟。愛弟兼同旅

雁翔。自是張騫常泛斗。中流無賴賦滄浪。

石星

遷南太僕過里喜晤穆考功

遙傳除日到柴荆。故里寧勞負弩迎。白雪滿頭空白  
老。黃金橫帶竟何成。三年旅邸歸來夢。一笑親知感  
慨情。松桂未殘猿雀在。可容同結舊時盟。

臘月望日乃予誕辰陳秦二丈邀飲瑯琊寺

四十無聞愧此身。鄆鄆驚見客筵新。官間白髮難酬  
主。地迥青山解傲人。酒味尚浮晴社臘。泉聲已報隔  
年春。使君不用重投轄。萬仞峯頭月可親。

李先芳

縣齋晚坐

孤城南面枕江干。玉凡雲岑對鬱盤。花下鳥啼羣吏散。窗中雲盡數峯寒。空齋獨坐偏懷土。白髮催人欲棄官。昨夜南薰吹入戶。空懸綠綺共誰彈。

暮春初過山庄

山人本性愛山居。海節春遊過舊廬。短砌雨餘芳草合。小亭風定落花疎。拂塵下榻驚梁燕。開篋抽書走壁魚。夏闢巖扉頻灑掃。能無長者命巾車。

白鹿洞

紫陽宮闕鬱重重。白鹿仙人去不逢。波靜九江平鏡。丹成五老化為峯。懸崖蘿薜栖山鬼。陰洞雲霞鎖燭龍。風雨蕭蕭下木葉。滿林秋色度疎鐘。

宜春臺

在袁州上。有昌黎祠。

春臺獨上俯千家。睥睨風高起曙鴉。南下萬山連白越。東來一水自長沙。青厓竹覆經年雪。碧落松盤小洞霞。駐馬荒祠時極目。韓公何事到天涯。

滕王閣

高閣嶙峋攬上游。還將歌舞問東流。劍江割據衝廬險。鏤柱平分吳楚秋。鳥外片帆來極浦。雨中芳草遍

滄洲。江湖滿地無舟楫。天畔何人獨倚樓。

謝榛

無題

楚女春心不自持。月明誰唱竹枝詞。瓊簪玉珥何顏  
色。翠幕朱闌且歲時。燕子樓空傷往事。杜鵑花老負  
歸期。江頭月落西風起。轉覺湘靈瑟調悲。

中秋無月同元美于鱗賦得城字

四野蒼茫雲霧生。月華暗度鳳凰城。尊前不辨銀河  
影。樓外空傳玉笛聲。鴻鴈清秋遊子意。梧桐白露故  
園情。謝莊欲賦還惆悵。今夜關山何處明。

喜黃實甫至留酌

自別梁園歲幾徂。故人消息斷江湖。相逢白髮知多  
少。一醉黃金問有無。地接邊關秋氣早。樹翻烏鵲月  
明孤。向來離合殊難定。猶傍天涯說壯圖。

送朱參政之豫章

落落才名三十年。宦途華髮轉堪憐。獨辭上國星躔  
馬。四渡西江雪滿船。湘鴈晚低彭蠡澤。楚雲春澹豫  
章天。定知豐劍歸君後。遙望長安北斗邊。

秋暮書懷

木落風高萬壑哀。山川縱目一登臺。夕陽滿地漁樵

散秋木連天鴻雁來。白髮無情淹歲月。黃花有意轉樽罍。西園公子虛陳迹。詞客于今說愛才。

聞老兵談邊事

少小從軍老病侵。鐵衣征戰歲年深。天寒野火燒荒塞。月黑山精嘯古林。千載于戈堪灑淚。三秋笳鼓數驚心。平沙亂草迷枯骨。漢武窮兵怨至今。

寄趙憲副萬舉時屯兵白羊口

匣開雄劍動寒光。坐擁奇兵斷白羊。獨夜夏深山月墮。三秋日極塞雲長。燕中甲士能驅馬。河北丁男慣射狼。此日功名須一戰。莫教胡虜遁龍荒。

吳國倫

河間道中

楊花如雪下城阿。匹馬班班野蹀過。春事漸隨行旅盡。夕陽偏向逐臣多。武垣拔地雄三輔。瀛海蟠天落九河。悵望薊門烽火近。卻憑孤劍起悲歌。

登岳陽樓

高閣層城四望開。洞庭秋色正徘徊。湖吞九木浮天闊。地擁三巴入鏡來。赤甲雲生神女過。黃陵日落帝妃哀。尋源不必乘槎去。直取君山作酒杯。

行經桃源

天關靈源一徑通。石林秋色上虛空。谿聲暗咽秦時雨。村落仍遺晉代風。千尺藤蘿丹洞口。幾家雞犬白雲中。相逢野老殊顏色。莫問桃花何處紅。

登石鐘山

楚客登高秋思濃。白雲隨杖入芙蓉。九江落日迷山市。萬里寒濤響石鐘。古閣凌空愁過鳥。輕帆帶雨挾飛龍。俯看天塹雄南北。何事中原有成烽。

初度日家兄遣兩僮適至兩僮並善吹笛聞之悵然

東閣搔首夜郎城。一字鄉書百感生。侍子雙調雲夢

管。當筵勿作鳳鸞聲。梅花落盡春難寄。律呂和來怨未明。卻是吹瑣人。萬里關山何處不含情。

過層臺驛

野潦奔鳴石徑斜。疎林殘日見田家。編籬半護印王竹。築塢新移望帝花。荒徼萬山連蜀道。遠人重譯問京華。鄉音斷絕愁如夢。何處風高急暮笳。

宗臣

送萬公子歸豐城

青袍綠鬢儼琅玕。歲晏庭趨太仆難。帝死珮聲天外盡。豐城劍氣斗間看。尊前明月雙鴻暮。江上梅花一

騎寒共說甘泉能獻賦。春風明日滿長安。

送陳生南還因寄江鄉游好

薊北秋高起夕峯。送君南去楚雲重。市中五斗新豐酒。醉後三年長樂鐘。耕隴未須悲燕雀。涉江何處采芙蓉。寄言舊日煙霞侶。曾否天台訪赤松。

待元美不至

誰傳消息到湖西。欲來不來空杖藜。昨日石門聞枳橋。早時孤艇散鳧鷖。愁人碧艸茸茸短。候客清樽夜夜提。二十四橋今寂寞。未應重爲玉簫迷。

寄李順德于鱗

憶爾狂歌滿帝京。春來紫綬寄專城。漢庭詔下一二千石。良吏人傳卓魯君。日落盧龍寒朔騎。風高涿鹿新胡纓。褰帷定有江門思。碣石青天是舊盟。

梁有譽

吳官

月墮平湖漫不流。煙波何處可消愁。千年人傍要離塚。百頃誰尋范蠡舟。廊下悲風聞響屣。堂前清宴憶傳籌。竹枝似寫當年恨。聲起吳江葉葉秋。

姑蘇懷古

看山幾日到吳中。遊客登臨感慨同。金虎跡荒靈氣

滅水犀軍散。霸圖空。春歸茂苑。烏啼月。花落橫塘。蝶  
怨風。誰識倦遊心。獨苦扁舟長憶五湖東。

登城上樓

木落城頭風怒號。百家形勝自周遭。碧窗日晚滄溟  
濶。畫棟雲開象緯高。日斷層霄無鴈字。夢淹南國有  
漁舟。登臨一笑成千古。彈劍酣歌愧爾曹。

送同年施欽甫宰蕭山

羨君墨綬去翩翩。茂邑風流此日傳。綠樹人家漁浦  
外。白雲官舍鳳山前。琴彈單父庭稀訟。花發河陽賦  
幾篇。共是鄭莊門下客。報恩應擬在何年。

瓜步眺望

殘虹慘澹已黃昏。江上煙波獨愴魂。京口樹濃藏雨  
氣。海門風急長濤痕。西來暮色連三楚。北望浮雲隔  
九閩。正值旗亭須買醉。憂時懷土不堪論。

揚州悼隋離宮二

李花歌罷益淒其。正是迷樓縱樂時。夜月遼堍哀鐵  
騎。春風淮柳拂鸞旗。斗邊蛇起妖誰識。帳裏雕來事  
可悲。千載故基何處覓。杜鵑啼上野棠枝。

二

藻井雕甍駐彩霞。錦帆一去已無家。淒涼夜月樓前

舞零落春風仗外花。殘燒繞原碑臥草。夕陽依岸柳  
藏鴉。可憐河水滔滔逝。不識人間有歲華。

徐中行

汪伯玉中丞起撫鄖陽志喜

歸來推轂動巖廊。六傳依然鎮帝鄉。記室半傾天下  
士。戈船親繫日南王。登樓明月三湘滿。倚劍雄風萬  
里長。開府試論文與武。祗今誰似杜當陽。

丘宗伯邀顧大參王侍御及予雪後登赤壁

作

鳴珂舊接五雲班。釀酒平臨七澤間。霞落高天銜赤

壁。晴遠岸出青山。狂來意氣堪橫槊。老去風塵更

賜環。不是蘇公會放逐。誰將一賦壯江關。

徐學謨

遊少林寺觀達磨面壁像

初祖何年泛葦航。卻來中界度迷方。天臨嵩岳雙峯  
並。河遶龍門一線長。古壁莓苔留色相。殘碑顛負認  
隋唐。欲知心地歸依處。坐見珠林放葢光。

吳明卿大參自大梁罷官歸楚遺詩慰訊

風雨閑齋隱几晨。故人千里歎沈淪。從他白簡能銷  
骨。垂老黃冠未悞身。已謂中興開黨禁。何緣末路尚



風塵愁來嵩少寒無色。慘澹橫雲送逐臣。

汪道昆

沙河早行

馬頭片月挂長安。雙照孤臣淚未乾。五夜愁心鵲鵲  
觀。九秋哀鬢鷓鴣冠。人家砧杵遙相望。客路關山迥  
自寒。總爲二朝恩不淺。非關老大拂衣難。

答萬使君

海上孤城保障勞。當時汗馬五陵豪。流言不避新題  
柱。戰血猶存舊佩刀。豈謂難容緣俗薄。轉於不賞見  
功高。秋風莫謾騎鷹隼。大五天邊鳳一毛。

蔡可賢

朱先鎮

花石剛來事已休。大家還向良宮遊。傷心天地青衣  
日。舉目山河左衽秋。十二金牌南國恨。三千鐵騎北  
庭愁。可憐風雨東窗夜。忍使杭州作汴州。

聞洮河警

九塞清寧二十秋。習傳烽火過涼州。尋盟故自非長  
策。薄伐今誰是壯猷。隴上嗚嗚流水恨。雲邊慘慘夕  
陽愁。沙虫夜語川猿泣。腸斷西風獨倚樓。

樓煩

月寺正聲

卷之十三

十一

奎文館藏

山後山前十六州。天涯盡處是偏頭。雲開大漠風沙走。水折長河日夜流。萬戶金縉愁見月。千羣鐵服畏逢秋。卻思大漢無中策。一曲胡笳倚戍樓。

訪敬甫

結客黃金爾自雄。相然相信此心同。清光夜嘯盤山月。俠氣寒生易水風。九萬扶搖機未息。五千文字道何窮。明年若更游燕市。不必逢人說蔡邕。

蔡汝楠

自題前山草堂

草堂舊結北山阿。逋客還家洽薜蘿。遶院松林嵐翠

重。滿庭蕉葉雨聲多。清樽自對叢花發。高枕無如啼鳥何。若道世情堪澹處。門前終日俯滄波。

莫如忠

遊寺

香界追攀十載曾。薜蘿深處翠微層。齊梁古跡譚雙樹。水月玄心鏡一燈。山鳥弄晴春冉冉。閣雲凝碧畫冥冥。投簪莫訝歸無侶。猶有逢迎白社僧。

春日遊虞山

興在春山獨遠尋。行隨杖屨歷嶽岑。千盤巖出花間路。白轉鶯調谷口音。石洞流雲藏窈窕。海門初日變

晴陰夏臨絕巘看飛瀑頓覺清冷淨客心

王問

謁韓祠

落魄行歌入市門。市中誰解識王孫。武關預定三秦計。漂母終償一飯恩。祠下春繁虛白晝。城陰秋草易黃昏。藏漢帝東遊日。寂寞潮聲弔古魂。

袁袞

次電白觀海

電白城高海上開。飛巖千尺俯蓬萊。二山隱見從空起。八極溟濛入劫來。蜃氣朝蒸疑是霧。潮聲晝湧忽

如雷。遙思驅石當年事。直欲乘槎去復回。

皇甫汈

晉德寺

古寺城南訪六朝。高臺一望幾蕭條。門前黃葉催年暮。林外青山覺路遙。塔影常圓沙苑月。鏡聲靜帶楚江湖。老僧宴坐耽禪定。送客何曾過虎橋。

訪李伯華太常

拂衣歸臥一丘安。命駕何辭千里難。書插高樓蟲蠹盡。棋拋別墅鳥污殘。雄心每向詞中發。變態都將戲裏看。自愧交知成白首。猶持長劍倚人彈。

明詩正

卷之二

十四

李太常

盧枏

登南城樓有感兼懷荀前川

獨上高樓四望明。海天愁色起縱橫。黃雲不斷飛狐塞。殺氣遙連偃月城。未訝健兒能陷虜。早聞白羽尚徵兵。封侯知有荀公達。好向中朝事請纓。

南軒

春日同胡正甫寮文遊草堂

萬里橋西十里花。浣花溪抱草堂斜。當年小築只流寓。千載尋春尚大家。天擁吟壇巢乳燕。山衝煦日散晴葩。交遊海內逢知己。村酒何嫌向夜賒。

余應舉

過叢臺寄張助甫廣平

臺上西風吹旆旌。踟躕重憶故人盟。江湖白慣秋來興。山水朱絃別後情。過眼交游今自見。側身岐路老堪行。千秋姓字歸騷雅。可有人間咄咄聲。

朱日潘

送陸子還洞庭

五月江門暑氣鮮。水祠簫鼓賽龍船。最憐別樹當官路。不礙歸雲入洞天。樓閣兩山搖碧落。楊梅千礪瀉紅泉。葛裙紗帽吟長夏。莫擬平原赴洛篇。

明詩正聲

卷之十二

七

送陸子還洞庭

莫雲卿

贈陸生名遠

年少風流重陸郎。名都花月馬蹄忙。論功早謝封侯賞。好俠多從結客場。新學五禽探妙訣。舊彈雙劍助清狂。看君一指還丹術。金鼎空傳肘後方。

贈洪山人霍山山人故大司馬胡公墓客也

卅年踪跡自支離。把酒能談五岳奇。遠興每將蕨草寄。雄心不負寶刀知。圖書夜月空山侶。裘馬春風故國思。聞說西園清燕罷。更於何處定交期。

明詩正聲卷之十二 終

明詩正聲卷之十三

漆園 穆光胤仲裕 刪訂

澶淵 陳素蘊仲獻 校刊

七言律詩四

張九一

秋日尋三遊洞

峽口風高萬木秋。千盤危磴枕丹丘。石門雙樹青雲去。乳竇齊含白雪流。仙侶月明歸鶴吹。秦人花落到漁舟。素書不為名山祕。物外還期汗漫遊。

題遲鴻臺

遲鴻臺上暮鴻飛。把酒登臨倚翠微。曲裏冥冥三秀  
老雲間。肅肅五絃。弟兄詞賦無今古。湖海音書有  
是非。正值秋風南度候。故人天末未同歸。

小至公安道中

江濤流入呂蒙營。野色蕭條暮雪平。一水人烟歸落  
照。萬家春色抱荒城。梅花解墮孤臣淚。芳艸深知故  
國情。黍谷向來甘寂寞。肯從鄒衍問生成。

逍遙園訪敬甫拱辰

此地依稀谷口逢。參差籬落暮烟封。黃河瀉作堵前

水。禍石蹲為坐上峰。秋滿初衣疎薜荔。霜纏紫圃吐  
芙蓉。身耽薄祿風塵久。華髮真慚郤曼容。

寄見甫弟

歷盡巴山日髮新。西風何處不傷神。馬曹踏踏官難  
起。鳥道艱危老更貧。九派長江春後鴈。一年芳艸夢  
中人。相思况是無消息。徒倚天涯滄淚頻。

寄子與

領郡曾傳沈隱侯。歸來何處更登樓。燕春不度鄒生  
律。郢雪常含宋玉愁。作賦月明黃鶴澗。懷人秋滿白  
蘋洲。虛疑海上窺三島。猶自江東滯一丘。

寄元美

海上明霞擁赤城。春風高臥蕨薇生。狂從方外為司馬。老向江東號步兵。縱飲祇供鸚鵡舞。據梧還作鳳凰鳴。向來誇我藏名手。至少何緣尚借行。

寄德甫

長安一別鬢俱華。客淚蕭條滿暮笳。白社可容陶令酒。青門堪種邵平瓜。風塵病起逢江鴈。湖海歸來失漢槎。正是楚天寥落後。好從桂樹問移家。

送王使君提兵入蜀

巫峽秋聲濫潁孤。王遵叱馭競前驅。洗兵雨淨三苗

國吹角風高八陣圖。棧道燒殘西極紫。巴山開盡

送賀叅戎之花馬池

雙旌東指赫連臺。四月嫖姚度漠回。楊葉遙迎金鏃吐。桃花深映紫駟開。干戈榆塞三城接。風雨蕭關萬騎來。一片賀蘭山上石。千秋遲爾勒銘才。

送王將軍之鴈門

句注天回接大荒。鴈門陡闢暮雲蒼。即看汾水含秋色。卻指并州認故鄉。雀印高懸三晉月。虎符遙散五原霜。千山搖落西風裏。驕馬翩翩一鈞裝。

贈神裕穆生

洛下雲間未足多。如君摠角已無過。按圖合市昭王  
駿。揮筆堪龍道士鵞。自倚雄心回落日。還憑醴酒佐  
悲歌。逍遙篇裏鷗鵬化。青眼相看奈爾何。

張佳胤

春日登張家口市場二首

抗旌春望盡龍荒。青入祁連接混茫。紫塞千峰歸鎖  
鑰。嚴關萬馬見騰驤。提衡齊控東西校。稽顙俱稱左  
右王。一自北門勞臥護。肯容遂色過漁陽。

二

元戎小隊踏芳行。北斗朱旗雪後明。當座雲扶千世  
上。雅歌春擁一裘輕。杯搖無定飛鴻影。日暮時聞疊  
鼓聲。便欲登封臨瀚海。匣中龍氣已縱橫。

登函關城樓

樓上春雲雉堞齊。秦川芳艸共萋萋。知雨後河流  
急。青入牕中翠嶽低。客久獨憑三尺劍。時清何用一  
丸泥。登高眺極鄉心起。關樹重遮萬嶺西。

遊金山

青旌芙蓉夾岸浮。躋攀更上最高樓。波分島嶼鮫人  
室。風散帆檣估客舟。遠近日銜滄海色。東南天豁大



江流舉觴萬頃真堪攬氣益勾吳百二州

行役新蔡張昭甫吏部夜過分韻

談天燭石憶當時落日中原有所思然諾千金看意氣  
結交雙劍並雄雌途窮詞賦青雲薄世變功名白髮欺  
諸子凋零君自見存亡何處不堪悲

王世懋

過俞園遇雨

衝泥濕盡鐵連錢幾醉卿家玳瑁筵但使步兵頻得酒  
不須平子便歸田鐘回北里殘春夜門掩南山隔暮烟  
坐客祇應歌白雪好教改度隴梅前

賦得邀笛閣

胡牋一曲想桓伊無奈王郎雅好奇流水自將高韻去  
青山偏與舊名垂春風楊柳人歸後夜月梅花夢斷時  
猶似慙勤數聲在小牕凭欄坐題詩

寄贈許奉常

茅堂卜築抱清溪雅勝偏宜玄晏栖臺接長江憐鳳去  
門栽碧柳愛烏啼風流六代人中識秀色三山酒外迷  
一自太常齋罷日那能不遣醉如泥

新秋同黎梁一中祕丘良部黎文學康曹

管張四山人集揚祠部宅分韻得河字

仙郎散直罷鳴珂。留客清樽白苧歌。月滿漢宮秋扇  
冷。風迴燕市暮砧多。往來吾道尊湖海。醉裏鄉心傍  
薜蘿。愁見雙星又成別。詞人無意賦明河。

華夷互市圖

大漠高空寂。建牙兩軍相見醉琵琶。天閑苜蓿多羌  
種。胡女胭脂盡漢家。雲裏射生旋入市。日中歸騎不  
飛沙。金錢半減犁庭費。五利應知晉史誇。

友人楊懋功罷官後闢園城中自娛不佞

適有江藩之役先詩柬之

投荒猶自不相容。誰念風流在秩宗。但得老充詩社

長不妨。狂喚酒家傭。千秋藝苑終青史。五畝山園亦  
素封。小隊莫教驚稚子。使君元是舊吳儂。

敬甫吏部遠惠新詩率爾答一律

俠骨翩翩老未銷。詩腸壘塊故應澆。神來萬象供遊  
戲。語至千秋休寂寥。幸有男兒如驥子。何須仙令問  
王喬。君看函谷投簪客。已悔當年學射雕。

屠應峻

病中柬張郎中臬

閉閣經時思悄然。綠階芳艸欲芊芊。啼鴛日送千門  
曉。宮樹晴含萬井烟。東第綺羅淹白晝。西園桃李照

芳年何時試共張京兆。走馬章臺垂柳邊。

駕幸西山

行宮迢遞接仙臺。郭外駉驪羽騎來。山護皇輿千嶂  
合。天臨宸極五雲開。春留翠柳供行幄。香引繁  
花獻壽杯。獨愧周南留滯者。侍臣遙羨柏梁才。

吳維嶽

夜月登樓有懷馮汝言時汝言以事適遼

左未返

公餘結伴躡層城。宮闕雲連雉堞平。花月九衢澄  
夜色。關山一鴈動秋聲。登樓欲縱風前嘯。對酒難  
堪笛

真情。東望美人遼海闊。刀頭空見塞雲清。

顧存仁

燕至

把酒題詩花欲然。忽看社燕語堂前。君巢已是  
更新主。作客依然似去年。千里交新鼙鼓外。半生  
羈跡犬羊邊。閉門著述還吾事。莫遣春泥污太玄。

喬世寧

擣衣

城上秋風木葉稀。城中思婦擣寒衣。誰憐此夜  
腸空斷。獨恨經年戍不歸。聲度隴雲傳雪額。心隨  
關月到

金徽相思更有殘機錦願遂長安一鴈飛

王叔杲

贈張嶺山開府江南

旌旆南飛海色開江東今詵益州來行邊寶劍寒星  
斗曲裏陽春遍艸萊茂苑鶯花羅綺國金陵煙月鳳  
凰臺微垣午夜頻瞻處法象光芒破上台

方沈

贈別余宗漢明府

銅章綰罷拂衣還未路看君髮未斑已自片言迴大  
曆何妨盈筐下中山風塵結客千金盡湖海窮愁一

醉間不是故人憐范叔綈袍誰為破離顏

沈愷

登黃州竹樓

伐竹為樓拂紫烟琅玕風骨尚依然不將金瑱徯時  
好自愛清幽淨俗緣交響遠從空外落琴聲若為谷  
中傳秦樓謾憶雲霄裏一榻清風自歲年

遊南嶽

獨挾仙風跨紫鸞飄然逸思振雲翰烟消翠蓋千山  
出人在清虛六月寒梵磬有時空外落曇華化飛雨靜  
中看塵心到此渾無著極目南天一倚欄

懷清源詹息齋

才子清時賦遠遊。氣凌霄漢拂吳鉤。春風花鳥蘭陵酒。夜月笙歌太白樓。一笑十年居海國。幾迴二月下揚州。太平已見開東閣。莫謂新豐滯馬周。

方新

香山寺

香山一徑轟雲隈。寶刹高臨絕巘開。萬里河山迴玉塞。九重風露薄金臺。翻經石鼎香初熟。聽法松門鶴未回。便欲凌空飛鐵錫。不知何處是蓬萊。

吳子孝

送陳給事使琉球

聖明新詔責窮荒。玉節金符下建章。萬里春風隨斗柄。九天帆影落扶桑。山川盡入周王貢。笳鼓先令海若藏。暫慰遠人歸欲早。紫除青瑣待回翔。

龔秉德

雨花臺眺望有感

崇臺縹緲出雲孤。春日憑虛覽壯圖。江遠潯陽遙辨楚。山連京口半吞吳。秦淮風土憐今昔。王謝豪華問有無。回首長于傷往事。六朝烟雨混蘼蕪。

送鄭少潭給舍之任長沙

刺史分符下楚城。西風江上櫂歌聲。封章漫許推劉向。吏道還須待賈生。帆挂三湘秋水濶。旌懸七澤曉煙橫。漢家元重循良選。紫閣應傳萬石榮。

方逢時

立秋日書懷

空庭白露曉離離。楚客逢秋益自悲。碧海屠龍虛有技。青真跨鶴尚無期。寒生絺綌思裁芟。老怯干戈欲杖藜。爲愛季鷹真達者。扁舟東下更無疑。

客思

秋來客思日依依。高臥閑齋獨掩扉。細雨變衰燕地。

艸涼風吹老楚山薇。壯心落落空雞唱。歸計悠悠又鴈飛。赤壁江邊舊遊處。蓼花開遍釣魚磯。

再遊鉢池山次周水部韻

境入招提一徑微。參差臺殿散清暉。客來山靜惟聞磬。僧定雲深不掩扉。象外烟花秋欲盡。水邊燈火夜初歸。浮生尚覺迷津遠。回首東林愧鳥飛。

李民質

登戊巳山二首

突兀三峰壓上游。誰將深谷變高丘。問津已失桃花渡。沈璧無勞瓠子愁。萬里狂瀾廻渤海。千年餉道達

燕幽我來欲効平。成策指點河渠正。穩流

二

山亭徙倚俯城頭。檻外風塵一望收。秦嶽神天連海  
氣。黃河圻地落淮流。岸埋古渡魚龍窟。漕輓飛鷗江  
漢舟。須向禹功論水土。萬年國脉此咽喉。

魏允貞

天壽山陪祭長陵有述

高秋松柏鎖氤氳。弓劍千年憶聖君。神武載新天下  
朔。名王三徙漠南軍。天山開合鍾元氣。石馬春秋嘶  
暮雲。此日駿奔真忝竊。欲從金匱問華勛。

移宮南都柬修吾李文次景華韻

五夜明光響佩環。天風吹落水雲間。青山已分花驄  
隱。白下仍聯畫省班。薄謫幾人回日月。壯遊何地不  
江山。與君未盡相期意。六代風流得其攀。

魏允貞

送康裕卿寄暘谷先生

授簡風流滿洛陽。青春遊子倦思鄉。桃花尚憶當年  
宅。荷葉堪爲卒歲裳。九曲暮雲連鴈宕。片帆秋雨落  
錢塘。吳門驄馬淡相憶。錦字遙憑寄八行。

寄敬甫

懷入細檢白雲章。身世渾如在盛唐。信有名家箋左  
氏敢拚屬國典中郎。朱纓華轂非吾事。濁酒黃花滿  
故鄉。一箭功成東蹈海。乾坤若箇魯連狂。

唐鶴徵

病足

坐持三戒事。栖禪蒲柳其如質未堅。於我有形真是  
幻。見人無恙卻疑仙。縱長似鶴寧容斷。或少如夔則  
可憐。無趾尚知尊足在。穀中不中謂非賢。

黎民表

遊靈谷寺

門邊黃山路不賒。青松廻匝見丹霞。恆河六月猶  
雪。空谷千年自雨花。雲氣遠移金刹動。竹陰清入畫  
廊斜。十行賜札留初地。老衲相逢說翠華。

歐大任

西苑

日上觚稜照綵遊。西宮夜醮火初收。滄池波色青門  
曉。長樂鐘聲碧樹秋。名嶽采芝諸使出。中天築館萬  
靈遊。漢家詞客頭將白。汾水年年望御舟。

過隋故宮

龍舸忘歸幾歲華。六軍飛輓萬方嗟。遼陽鼓角滄波



遠。鞏洛山河落日斜。水調楊花歌九曲。江游螢火散  
千家。燕城莫引中原目。衰柳殘堤宿暮鴉。

周天球

觀象臺

城上高臺半切雲。平臨睥睨送斜暉。西山曲抱神京  
紫。北斗中懸帝座文。晚色千門雙杵動。胡天萬里片  
鴻分。黃金已改當年築。絲筆何須太史閔。

黃姬水

昨日看花花影重。重來惆悵幾枝空。隨萍半積芳池

上學客。金飄畫閣東。秦隴迢迢悲夜月。漢宮憔悴  
春風。臨觴莫恨凋零盡。留得鄰家玉笛中。

宋察卿

寄謝茂秦

憶昔長安並馬遊。醉來曾向酒家留。風寒易水荆生  
劍。霜落燕山季子裘。白鴈廿年誰折簡。青山何處獨  
登樓。當時投贈驚人句。風雨常生匣裏秋。

沈明臣

題王青州小祇園藏經閣

祇園高閣俯流霞。貝葉光浮萬樹花。白馬春雲堂五

色。金河秋水映三車。王家自置維摩室。許椽終依大  
士家。此日登臨披弱海。頓令飛思繞恆沙。

屠隆

范司馬公園

秀水扶疎衆艸齊。開殘紅藥半香泥。鳥窺青嶂平湖  
入。人倚朱樓落日低。曲竇暗通花徑外。垂楊橫過石  
關西。坐來麋鹿深深見。不是桃源路已迷。

秋閨怨

燕去春泥落畫梁。螢飛團扇玉階涼。強將錦字傳秋  
鴈。卻恨疎簾捲夜霜。死轉流蘇愁自結。步搖寶鬢不

成秋。妾身願作關山月。猶得年年照朔方。

揚州懷古

直將千古掩風流。死轉魂迷十二樓。半部烟花銀燭  
夜。滿江風雨錦帆秋。歌殘艷曲傳商女。香散金塘自  
水鷗。羊去羊來春艸綠。斷腸明月照揚州。

送顧汝和中翰奉使滇南還朝

酌酒登車覽大荒。馬頭雙劍落春霜。花明漢節爲天  
使。水綠蠻雲是夜郎。萬里老枝銅柱月。千金負劄尉  
佗裝。送君正好歌南浦。欲採蘼蕪不滿筐。

喜馮開之予告歸

滄江豈是學垂綸。龍性終然不可馴。二殿晴雲傳賜  
詔。五湖烟月引歸人。西灣水綠堪銷夏。南浦花紅好  
送春。持節回來還四壁。漢朝惟有馬卿貧。

寄張伯起

蚤罷公車事隱淪。才名俠骨重王孫。家藏七首堪隨  
難客。有如姬解報恩。歌人天風吹白恰。酒渡江月浸  
朱門。看君直以千秋論。吾道今知丘壑尊。

余翔

送宗振之江西兼柬用晦王孫

一山山下白雲庄。慷慨看君賦遠行。峽口孤帆飛

水。斗間雙劍指豐城。江湖不盡窮愁淚。風雨其如去  
住情。到日芙蓉花正好。西園彩筆競縱橫。

董復亨

春日咏懷

春波河畔柳青青。落盡梅花歲屢經。處處田家思十  
雨。時時漆室望三星。天高雲鎖鴛鴦殿。日暮香銷翡  
翠屏。獨幸君王饒樂事。西園歌舞幾曾停。

李化龍

登沅藉嘯臺

積水平林四望開。誰能長嘯更登臺。清狂不散窮途

恨禮法窄容玩世才。廣武天空雲黯澹。鄴城人去鳥  
飛迴。悲來欲下英雄淚。蕭颯秋風萬壑哀。

登醫無閭山

天柱高標九域東。振衣萬里受雄風。雲烟低擁黃龍  
府。日月高懸黑帝宮。截海帆檣來徼外。防胡士馬下  
回中。分明半壁歸權在。合有明禋禮上公。

登華山二首

九垓不羨采真遊。眼底秦封一望收。塞外黃河趨日  
馬。關門紫氣擁青牛。明星輝映三千里。玉女迢迢十  
二樓。果是當時天帝醉。浪教平地起高丘。

二

天上樓臺白玉京。削成突兀氣崢嶸。三聚夜疑西王  
母。六博朝臨衛叔卿。地迴煙雲依象帝。秋高笙鶴響  
層城。終須謝卻人間事。日日崑崙頂上行。

得敬甫吏部書及贈詩卻寄

月道從辭供奉班。逍遙踪跡杳難攀。林中有約惟雲  
水。天上何心更佩環。五夜梅花清客夢。十年桂樹老  
寒山。再知四皓成真隱。安漢能無能出關。

送留守大司馬王公入爲大司農

聞道中興帝業新。何人出入領朝紳。三江波靜勞分

陝九府源通借秉鈞。日近楓宸瞻鈿履。風高彤閣聽  
絲綸。東南民力公須見。好布陽和萬國春。

贈于穀峰相公

縹緲穀城帶。翹震山中宰相此移家。驚看處士門前  
柳。忽作平章宅裏花。長樂春雲連賜第。未央曉月照  
宣麻。舊游腸咏林泉滿。處處新題擁碧紗。

送董少山得請還上谷

錦裘繡帽血痕斑。破虜曾窺青海灣。共道中朝盟息  
壤。其如盈篋下中山。胡天雨雪饑鷹健。客路霜風戰  
馬閒。一醉臨岐應自笑。當年原不望生還。

于若瀛

會盟臺

城角秋陰慘不開。蕭條獨馬共愁來。盟秦客散浮雲  
盡。擊岳臺空暮雨哀。沙岸有風吹斷鴈。荒原流月冷  
深苔。惠昭久矣俱塵土。灑水潺潺首重回。

落花

柔條弱蒂總難持。減盡春光在此時。香杳無心繁蝶  
夢。舞輕隨意骨蝶絲。魂銷羅綺風前恨。腸斷芳菲雨  
後思。自是愁人傷景暮。況逢游子客天涯。

朱宏吉

北園

小閣疎籬曲徑深。碧梧修竹晝陰陰。林花滿地客獨  
坐。山月半江猿自吟。萬里雲霄仙掌夢。十年消渴茂  
陵心。為園不到風塵色。可許求羊載酒尋。

咏馬

長安大道二陵前。蹀躞偏宜俠少年。出獵乍羈金絡  
首。衝泥還惜鐵連錢。五花寒照陰山雪。匹練秋飛朔  
漠烟。蒲類海空燕市冷。久無聲價借中涓。

王釋登

簡皇甫司勳求序拙藁

先達風流故宛然。一時傾蓋復忘年。二都賦就從  
屢。七敘書成待孟堅。心比雕龍徒自苦。名同附驥易  
為傳。奇文五色如相贈。日月螢光敢竝懸。

答沈雲將

寂寥三徑半荒蕪。漫道為園比給孤。俛佛正思談具  
葉。留君不肯饌伊蒲。花如優鉢當階發。鳥學頻伽隔  
樹呼。為問平津舊時客。幾人還憶老王符。

送馮開之太史北上

偶辭雲臥起彈冠。春日征途尚覺寒。酒禁乍開拊縱  
飲。齋時且過好加餐。文將絲筆生花撰。書借青藜出

次看曼價一官元玩世何妨五斗索長安

訪蓮池大師

籃輿遙入萬山深。來訪高僧支道林。問法皆空誰是法。觀心不著已無心。香殘貝葉經初罷。鐘斷蓮花漏欲沈。落葉滿階人不掃。留將布地當黃金。

寄蕭穆仲裕祕書

春雨春風掩敝廬。忽傳千里贈瓊瑤。而翁節俠垂青史。之子才名滿玉除。羅雀不嫌廷尉宅。籠鵝淡愧右軍書。知君已富千秋業。不羨于公駟馬車。

丹霞洞為仲裕題

壘石藏霞一徑丹。碧牕虛寂晝生寒。玉簫吹落桃花片。金鼎常封藥一丸。仙籙祕來雲不散。義文點罷露初乾。洞門出入何須鎖。自有華陽白鶴看。

明詩正統卷之十三 終

明倫彙編  
卷之二十三  
雜錄

九

此處有極淡的印文，內容模糊不清，但依稀可辨為多行文字。

好



